

ANÓNIMO  
(Siglo XIII)

*DISPUTA DEL ALMA Y EL CUERPO*

Si quereedes oir lo que vos quiero dezir,  
dizevos lo que vi, nol vos y quedo fallir.  
Un sabado esient, domingo amanezient,  
vi una grant vision en mio lecho dormient:

eram asemeisant que so un lenzuelo nuevo  
yazia un cuerpo de huemme muerto;  
ell alma era fuera, e fuertemiente que plera,  
el ama es ent esida, desnuda ca non vestida,  
e guisa dun ifant fazie duelo tan grant.

Tan grant duelo fazie, al cuerpo maldizie,  
fazi tan grant de duelo e maldizie al cuerpo;  
al cuerpo dixo ell alma: «De ti lievo mala fama  
tot siempre t maldizre, ca por ti penare,  
que nunca fecist cosa que semeias hermosa,  
ni de noch ni de dia, de lo que yo queria;  
nunca fust a altar por y buena oferda dar,  
ni diezmo ni primicia ni buena penitencia;  
ni fecist oracion nunca de coraçon,  
quando ibas all elguesia asentabaste a conseja,  
y fazies tos consejos e todos tos trebejos;  
apostol ni martir nunca quisist servir,  
jure par la tu tiesta que no curaries fiesta,  
nunca de ningun santo no curest so disanto,  
mas not faran los santos ayuda mas que a una bestia muda;  
mezquino, mal fadado, ta mal hora fuest nado  
que tu fueste tan rico, agora eres mesqinu  
dim, o son tos dineros, que tu misist en estero?  
o los tos moravedis azaris et melequis  
que solies manear et a menudo contar?

O son los palafres que los cuendes ye los res  
te solien dar por to losenjar?  
Los caballos corrientes, las espuelas punentes,  
las mulas bien amblantes, asuueras trainantes,  
los frenos esorados, los petrales dorados,

las copas doro fino con que bebies to vino?

Do son tos bestimentos? o los tos guarnimentos  
que tu solies vestir e tambien te ...

[...]